



24. oktober 2024

UKA2024/54

Inatsisissatut siunnersuutiniq suliaqartarneq pillugu malitassiat atuuttut allangortinneqarnissaat pillugu Naalakkersuisut peqquneqarnissaannik Inatsisartunut aalajangiiffigisassatut siunnersuut, taamaalilluni inatsisissatut siunnersuutit nassuiaataani, nunat tamat akornanni pisussaaffinnut nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi nassuiaasiortoqartassalluni, tassani immikkut inuit pisinanatitaaffiit aamma nunap inoqqaavisa pisinnaatitaaffiit tunngatillugu. Naalakkersuisut suleriaasiat nutaaq ulloq 1. januar 2025 atuutilissaaq.

(Inatsisartunut ilaasortaq Mariane Paviasen, Inuit Ataqtigiit)

Siullermik siunnersuuteqartoq Mariane Paviasen Jensen Inuit Ataqtigiit tunuliaqutigalugit Inatsisartuni ilaasortaq qutsavigaarput, siunnersuummik imaattumik saqqummiussimmat.

Kikkut tamarmik kiffaanngissuseqarlutik naligiillutillu inuunissaat sulissutigiuartariaqarparput aammalu nunarsuarmi inuit pisinnaatitaaffii pillugit isumaqatigiissutit malinneqarnissaat qulakkeertariaqarlutigu.

Ullumikkut inuit pisinnaatitaaffii pillugit isumaqatigiissutit Danmarkimi oqartussaasunik atsiorneqartarput, taakkua Naalakkersuisunut isumaqatigiissutigineqartarput Folketingimilu akuersissutigineqartarlutik.

Naalagaaffiup Danmark ataaniitsilluta, inatsit tunngaviusoq nunatsinnut aammalu Savalimmiunut §19 atuuppoq, tamanna tunngavigalugu isumaqatigiissutit maanna atuupput.

Inuit pisinnaatitaaffii ullumikkut atuuttut sorpassuarnik imaqarput, ass. Inuit pisinnaatitaaffii pillugit nunarsuarmioqatigiinnut nalunaarut aammalu Nunat inoqqaavisa pisinnaatitaaffii pillugit Naalagaaffiit peqatigiit nalunaarutaat. Ullumikkut tamakkua atuutsinneqartut pillugit Inuit pisinnaatitaaffii pillugit siunnersuisooqatigiinnik peqarpugut taakkualu ukiumoortumik nalunaarusiaat 2023-meersoq arlalinnik sulianik pingaarutilinnik tikkuussivoq.

Ukiuni kingullerni oqaaseqartartunik assigiinngitsunik peqalernitta kingunerivaa, annerusumik ersarissarneqartalermeta pisinnaatitaaffitta qanoq nunatsinni atuutsinneqarnerat qanorlu iliuuseqarnissatsinnik tikkuussisarlutik. Uagullu ukiut siuliini Siumumiik kissaatigisarparput Inuit pisinnaatitaaffiisa paasisitsiniutigineqarnerisa ersarinnerunissaat,



taamaattumik nuannaarutigaarput, Nunatsinni inuit pisinnaatitaaffii pillugit qarasaasiakkut ilinniartitsissut pilersinneqarmat: pisortani atorfilinnut, suliniaqatigiiffiinut, ilinniartunik allanullu soqutiginnittunut inuit pisinnaatitaaffiinik paasisimasaqarnerulersitsissammat.

Siunnersuuteqartoq paasilluarparput taamatullu Naalakkersuisut allannguutissatut siunnersuutaat akueralugu ataatsimiititaliamut susassaqartumut innersuupparput.

Doris J. Jensen

Siumut